



Infurmaziuns dalla suprastanza digl cumejn Albula/Alvra:

Settember / otgover 2018

- La suprastanza ò examino e lubia diversas dumondas da biagier.
- Per eriger e manar igl museum digl post da commando ad Alvagni davart igl tema «Ghera freida», ò la suprastanza concedia en credit an import da CHF 45'000.00 cun resalva dall'approvaziun digl preventiv 2019.
- La suprastanza ò decidia la procedura an connex cun igl dolzamaint dalla tonnascha sen la veia da Stierva da 13 t sen 18 t. La decisiun correspondentia vign publitgeida aint igl figl uffizial digl cantun.
- Igl rendachint annual ed igl rapport annual 2017 dall'uniun d'interess ARA Albula è nia examino ed approvo.
- La suprastanza ò approvo igl preventiv 2019 dall'uniun d'interess ARA Casti e piglia cunaschienscha dallas lavours restantas an connex cun la renovaziun digl sistem da direcziun. Ultra da chegl è'l nia approvo igl reglamaint d'indemisaziuns surluvro.
- Igl project „Parc Ela-Trak“, lantschea dalla regiun Albula, è nia preschento e declaro alla suprastanza. La part digl cumejn da radond CHF 20'000.00 è nia piglia se aint igl preventiv 2019.
- La suprastanza ò delibero en credit da CHF 41'000.00 per igl cumond dalla cunsigna d'ava digl attatg d'urgenza a Vasarauls. L'incumbensa è neida surdada alla firma Züllig, Hach Lange GmbH, Rheineck.
- Igl cumejn da Lantsch ò dumando agl cumejn d'Albula/Alvra ena contribuziun finanziaria da CHF 100'000.00 per l'amplificaziun digl vial da skis cun rodas. La suprastanza ò decidia da piglier se igl import aint igl preventiv 2019 e d'igl sottametter all'approvaziun dalla radunanza communal.
- La suprastanza ò surdo las lavours per la renovaziun dall'illuminaziun da veias, bistgetta 1, bistgetta 2 e bistgetta 3 all'interpresa d'electricitad Savoldelli SA, Savognin an import total da CHF 178'890.00.
- Igl preventiv 2019 dalla basa da pumpiers Albula è nia approvo e delibero. La part digl cumejn Albula/Alvra monta CHF 112'816.50 (onn precedent: CHF 124'420.50).
- A caschung d'ena seduta da budget extraordinaria, ò la suprastanza approvo e delibero igl preventiv 2019 digl cumejn Albula/Alvra per mangs dalla radunanza communal digls 12 da december 2018.
- Per la sanaziun dalla staziun da transfurmatour ad Alvagni vischnanca (ramplazzamaint digl indrez da tensiun media), ò la suprastanza approvo en credit brut da CHF 67'000.00.

- An connex cun igl menaschi digl sarvetsch forestal e tecnic Albula, ò la suprastanza examino minuztgousamaintg e delibero igls statuts surluvros ed igl sboz digl contract d'amprest permangs dalla radunanza communalala.
- La suprastanza ò decida da proponer alla proxima radunanza communalala en pe da taglia da 100% (scu anfignen adacò) per igl onn 2019. Mademamaintg duess la quota concernent la lescha federala davart igl acquist da bagn immobigliars tras persungas agl exterior restar sainza midada.
- La suprastanza ò approvo e delibero las tractandas ed igl messadi per la radunanza communalala digls 12 da december 2018.

Infurmaziuns dalla radunanza communalala digls 12 d'otgover 2018

- La radunanza communalala ò approvo en credit brut da CHF 1'170'000.00 per realisar igl Smart Power Managements (Concept Rollout). Per onn duess neir realiso egn digls tschintg scalems planisos. Cun la terminaziun dalla quarta etappa alla feugn digl 2022, pon gio 100% da tot igls clients finals neir ligias giu a distanza. Ainten la tschintgavla etappa, igl 2023, duessan neir ramplazzos tot igls apparats da colliamaint da tgargia
- Per la revitalisaziun dalla Landwasser e la furmaziun nova dalla sbuccada ainten l'Alvra, on igls votants concedia en credit brut da CHF 780'000.00. Igl project vign sustignia davart dalla confedeaziun e digl cantun cun 80%. Siva dalla deducziun dallas contribuziuns da terzas persungas restigl agl cumegn d'Albula/Alvra costs restants an import da CHF 20'000.00, tgi èn nias prestos per gronda part gio ordavant.
- Las votantas ed igls votants on consantia alla dumonda digl consorzi Casti Plus (ewz, Xpo SA ed EWD Davos SA) da prolungar igl termin dallas lavours da construcziun per set onns e mez (anfignen igls 28 d'avost 2024).
- La radunanza communalala ò approvo la dissoluziun dalla corporaziun da cumegns per la tgesa regiunala d'attempos e da tgira Lindenhof a Churwalda igl mument digl scumanzamaint digl menaschi d'en nov center da seniors a Churwalda e la liquidaziun e repartiziun dalla facultad administrativa tenor igl statut d'organisaziun.

La suprastanza communalala